



yàlla rëbb na Yahuud yi ak Nasaraan yi, ndax dañoo jàppe seen bàmmeeeli Yonnente yi ay jàkka

Jële nañu ci Aysatu ndayu jullit ñi yal na ko Yàlla dollee gërëm mu wax ne : Yonnente Yàlla bi yal na ko Yàlla dolli xéewal ak mucc wax na ci feebaram ba nga xam ne jugu ci: "yàlla rëbb na Yahuud yi ak Nasaraan yi, ndax dañoo jàppe seen bàmmeeeli Yonnente yi ay jàkka" nee na: bu dul woon loolu kon dinaa fésal bàmmeelam, waaye moom dafa tagal ñu jàppe ko jàkka.

[Wér na] [Al-buxariy ak Muslim dëppoo nañu ci génnee ko ci seen ñaari téere yi gën a wér]

Aysatu ndayu jullit ñi yal na ko Yàlla dollee gërëm day xibaare ne, Yonnente bi yal na ko Yàlla dolli xéewal ak mucc wax na ci feebaram bi nga xam ne dafa tar ci moom, te mu faatu ci: Yàlla rëbb na Yahuud yi ak Nasaraan yi, dàq leen ci yërmàndeem; li waral loolu mooy ne ñoom dañoo jàppe seen bàmmeeeli Yonnente yi ay jàkka, ci di tabax ca kawam walla di fa julli walla di julli jëm ca. Topp Aysatu yal na ko Yàlla dollee gërëm wax ne: bu dul woon tere googu ak àrtu googu bawoo ci Yonnente bi yal na ko Yàlla dolli xéewal ak mucc ak ragalug Sahaaba yi ci ñu def ci bàmmeeelu Yonnente bi yal na ko Yàlla dolli xéewal ak mucc kem li Yahuud yi ak Nasaraan yi def ci bàmmeeeli seen Yonnente yi kon dinaa fésal bàmmeelam ba mu feeñ.

<https://sunnah.global/hadeeth/wo/show/5379>

